



Tusagassiorfinnut nalunaarut

Pressemeddelelse

Kyotomi isumaqatigiissut II: Kalaallit Nunaat nunamut tunuarsimaarfeqarnissamik piumasaqarpoq

02-11-2012
Sagsnr.: 2012-076294
Dok.nr.: 1056777

Kalaallit Nunaata silap pissusaanut politikkimik piujuartussamik ingerlatsiin-narnissamik kissaateqarnera nalornineqassanngilaq. Kisiannili Kyotomi isumaqatigiissummi piffissap pisussaaffeqarfiusup aappaanut akuersineq suliffis-suaqarnikkut ineriartortitsinissamik ajornarsititsilluinnangajattussaavoq. Taa-maattumik Jens B. Frederiksenip Kalaallit Nunaat sinnerlugu Danmarkimi sule-qatini Martin Lidegaard qinnuigaa, Kunngeqarfiup piffissamut pisussaaffeqar-fiusumut nutaamut akuersineranut atatillugu Kalaallit Nunaannut nunamut tu-nuarsimaarfeqarnissaq aalajangiunneqassasoq. Danmarkip Dohami Qatarimiit-tumi COP18-imi Kyotomi isumaqatigiissummi piffissamut pisussaaffeqarfiusu-mut tullermut akuersinissaa naatsorsuutigineqarpoq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Aggustimi Ineqarnermut, Attaveqarnermut Angallanermullu Naalakkersuisup Jens B. Frederiksenip aamma Silap Pissusaanut, Nukissiuuteqarnermut Illuuteqarnermullu Mi-nisterip Martin Lidegaardip oqaluttuarisaanermi silap pissusaa pillugu isumaqatigiissut atsiorkaat, tassani Kalaallit Nunaata siornatigumut naleqqiullugu annertunerujussuarmik Naalagaaffeqatigiinnermi silap pissusaanut politikkimut sunniuteqarsinnaanera qulak-keerneqarluni. Isumaqatigiissuteqarnermi ataqpeqatigiinneq takutinneqartoq Martin Li-degaardip aamma Jens B. Frederiksenip ullumi tallimangornermi novembarip ulluisa aappaanni Københavnimi Naalagaaffeqatigiit COP18-imut, 2012-imi novembarip ulluisa 26-anniit decembarip ulluisa arfineq aappaannut Doha-mi Qatar-imiittumi ingerlanneqar-tussamut piareersaatiniq aallarnisaaniarlutik ataatsimeeqatigiinnerannut pingaarnertut peqqutaasoq qularutigineqanngilaq.

"Maannangaaq Kyotomi isumaqatigiissummi 2013-imiit 2018/20-mut piffissamut pisus-saaffeqarfiusussami nutarterneqartussami nunamut tunuarsimaarfeqarnissaq Naalak-kersuisut kissaatigimmassuk, Danmarkimi suleqatinnut erseqqissaatigissallugu uannut pingaaruteqartorujussuuvoq. Nassuiaappara kissaateqarnerput nunani tamalaani silap pissusaa pillugu isumaqatiginninniarnerni Kalaallit Nunaata ilaajunnaarnissaa pissu-taanngilluinnartoq, kisiannili nunat ataasiakkaat immikkut pisinnaasaasa periarfissaasalu annertunerusumik eqqarsaatigineqarnissaat kissaatigigipput," Jens B. Frederiksen o-qarpoq nangillunilu:

"Isumaga malillugu pisussaaffiit piffissami annertunerusumik suliffissuaqarnermik inger-latsiviginngisatsinni aalajangersarneqarsimasut Kalaallit Nunaanni naammassiniassa-gutsigit tamanna naapertuutinngilluinnartussaavoq. Naatsumik oqaatigalugu tamanna nunamut tunuarsimaarfeqarnissamik kissaateqarnitsinnut tunngaviuvoq. Allatut oqaati-galugu ineriartortitsinissatsinnut akuerineqarusuppugut."

Kyotomi isumaqatigiissummut sivitsuutissap 2013-imiit 2020-mut ingerlanissaa naatsor-

suutigineqarpoq, aammalu nunat EU-mit aqunneqartut killilinnik amerlassusillit akuersiniallutik neriorsuuteqareerput. Inatsisartut kingulliullutik 2013-imi upernaakkut ataatsimiinnermi Kalaallit Nunaat nunamut tunuarsimaarfeqassanersoq inaarutaasumik aalajanger-tussaavaat.

Ataatsimiinneq pitsaasumik ataqqinnittumillu ingerlanneqarpoq, tassanilu Martin Lidegaardip aamma Jens B. Frederiksenip silap pissusaa pillugu isumaqatiginninniarnissat qilanaaraat. Martin Lidegaard aamma Jens B. Frederiksen nunat ataatsimoorlutik misigisassarsiortitsinerini, ilaatigut nunarsuup kissakkiartorneranut atatillugu kalaallit unamilligassaannik nassuiaateqarfiussani oqalugiassasut ataatsimiinnermi aamma aalajangerneqarpoq.

Annertunerusumik paasisaqarusunnermi Ineqarnermut, Attaveqarnermut Angallanner-mullu Naalakkersuisoq Jens B. Frederiksen 58 76 06-imut attaveqarfigineqassaaq.